



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. I. Vera sententia statuitur

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

DISPV TATIO QVARTA

62

quantum ad exercitium: Ergo nec amor patriæ. A fidem autem non ita convincitur; & id est idem objectum ab utroque lumine proponatur, proponitur tamen veluti sub diversa ratione.

Obiectio tertio: Habitibus utimur cum voluntatis: Ergo etiam Beati utuntur habitu charitatis, & ejus actum exercent, quando volunt, & per consequens non diligunt necessarium Deum quoad exercitium.

Respondeo secundò, concessò Majori & Minori, negando Consequentiam: necessitas enim charitatis in patria non oritur ex ejus specie, neque ex ipsis intentione, sed ex eo quod regulatur per lumen gloriae, & visionem beatam, quæ Deum ut summum bonum necessarium diligendum proponunt.

Dices: Per fidem Deus proponitur voluntati viatoris, ut summum & infinitum bonum, & tamen amor per illam regulatus est liber: Ergo quamvis in patria per lumen gloriae, & claram visionem proponatur ut summum & infinitum bonum, amor tamen per illam regulatus erit liber.

Confirmatur: Diversitas approximationis & applicationis passi ad agens, non inducit necessitatem, sed solum intentionem actionis, ut patet in diversa approximatione calefactibilis ad calefactivum: Sed clara Dei visio non representat diversam bonitatem, sed solum eandem melius applicat, & magis conjungit voluntati, quam fides & cognitio obscura: Ergo non inducit necessitatem amoris, sed solum maiorem intentionem illius.

Ad objectionem respondeo primò, concessò Antecedente, negando Consequentiam: nam eti utrumque lumen Deum ut summum bonum representet, unum tamen illum representat clarè, & ut est in se; alterum vero obscurè, & per alienas species tale bonum proponit: unde sicut intellectus à vero, primo non autem secundo modo proposito, convincitur, ita & voluntas solum à summo bono clarè cognito necessitatibus.

Respondeo secundò, quod perseverante iudicio, quod in via judicamus Deum esse summum diligendum, & non stante alio contrariò, voluntas necessariò diligit; talis tamen dilectio est absolute libera, quia tale iudicium subjetat protestatio nostræ, tum ratione obscuritatis fidei, quæ non plenè convincit & captivat intellectum; tum ratione fatigationis, quæ interdum fastidium causat in nobis; tum etiam ratione impedimenti quod præstat prædictus amor; impedit enim ne homo ad alia objecta, vel ad alios actus se applicet, in quibus potest maiorem rationem boni apprehendere: nihil autem horum in clara Dei visione potest contingere; & ideo amor per illam regulatus omnino necessarius est.

Ad confirmationem respondeo primò, veram esse Majorem, quando in agente solum inventitur unus modus operandi, sicut vero quando multiplex reperitur; tunc enim ex diversa approximatione & applicatione objectum potest nasci necessitas: in voluntate autem duplex modus agendi inventitur, naturæ scilicet & libertatis, ut supra vidiimus.

Respondeo secundò, datâ Majori, negando Minorem: nam visio clara non solum approximat idem objectum, sed ob sui claritatem & evidentiam adeò intellectum convincit, ut nec in illo aliquam rationem mali, nec in ejus amore aliquam rationem fastidii inventire possit: per

idem objectum ab utroque lumine proponatur, proponitur tamen veluti sub diversa ratione.

Obiectio tertio: Habitibus utimur cum voluntatis: Ergo etiam Beati utuntur habitu charitatis, & ejus actum exercent, quando volunt, & per consequens non diligunt necessarium Deum quoad exercitium.

Respondeo concessò Antecedente, negando Consequentiam: licet enim voluntas affecta & elevata habitu charitatis, utatur habitu illo cum vult, quando regulatur iudicio indifferenti, quod est principium & origo libertatis: non tamen utitur illo cum vult, sed necessario rapturatur in actum ejus, quando habitus ipse & voluntas subjiciuntur dictaminis necessario, & iudicio non indifferenti, ut contingit in patria.

Dices: Beati possunt in carentia seu cessatione amoris beatifici aliquam rationem boni apprehendere, nempe exercitum libertatis: Ergo talis amor non regulatur dictamine necessario.

Respondeo negando Antecedens: libertas enim exerceri non potest circa bonum universale & infinitum clarè cognitum, ut à beatis cognoscitur, sed solum circa creaturas & bona particularia & limitata, quæ cum illo necessariam connexionem non habent: Sicut intellectus facultatem discurrendi & ratiocinandi circa prima principia exercere non potest, sed solum circa conclusiones quæ in illis virtualiter continentur.

ARTICULUS II.

Aqua virtute procedat gaudium seu delectatio, quæ Beati de Deo clara est visio, ut bono sibi proprio delectantur?

D Uplex in Beatis reperitur delectatio spiritualis: una quæ provenit ab amore amicitia, quæ gaudent de bono divino in se considerato; de quo gaudio intelligitur illud Apocal. 19. *Quoniam regnavit Dominus Deus noster omnipotens, gaudeamus, & exultemus, & demus gloriam ei: alia quæ oritur ex amore concupiscentiae, & quæ gaudent de Deo, & bonis ipsis ut participatis, & ad ipsorum felicitatem contributibus: de quo gaudio loquitur Prophetæ Psal. 55. cùm ait: Adimplebit me latitia cum vita tuo; delectationes in dextera tua usque in finem. Prima elicitor à charitate, tanquam actus secundarius ejus: quia ut docet D. Thomas 2.2. quest. 28. per totam, gaudere de bono amici, est actus & fructus amicitiae & charitatis. Unde solum difficultas est de secunda, quæ cum ad amorem concupiscentiae pertinet, non videtur posse à charitate, quæ est amor amicitiae, procedere. Quare Suarez hic dis. 9. sezione 3. num. 1. & 3. p. quest. 7. art. 4. docet eam elicere ab habitu spei, quem dicit remanere in patria, & suisse in Christo; quamvis ab instanti conceptionis fuerit beatus & comprehensus, videreturque divinam essentiam.*

§. II.

Vera sententia statuitur.

Dico tamen: Delectatio quæ Beati de Deo, ut bono sibi proprio eos beatificante, delectantur, quæ ad amorem concupiscentiae pertinet.

net, non à virtute spei, sed ab habitu charitatis elicetur.

Probatur prima pars, destruendo fundamen-
tum Suarez: Spes non remanet in patria: Ergo
talis delectatio in Beatis non elicetur à virtute
spei. Consequentia patet, Antecedens probatur
primo auctoritate & ratione D. Thomæ infra
quæst. 67. art. 4. ubi inquit, *Vixit spes maneat*
p[ro]morte in f[ac]t[u] gloria? Et respondet non ma-
nere, idque probat in hunc modum. Motus cef-
sar obtemperando termino: Sed spes se habet per mo-
dum mortis tendentis ad beatitudinem &
claram Dei visionem: Ergo illa obtenta perit.
Quam rationem etiam insinuat Apostolus ad
Romans 8. dum ait: *Spes qua videtur non est spes;*
nam quod videt quis quid sperat?

Secundum probatur idem. Antecedens alia ra-
tione, quam adducit idem S. Doctor 2. 2. quæst.
i. art. 2. Subtracto eō quod dat speciem, solvi-
tur species: Sed in patria non subsistit id quod
dat speciem virtuti spei, actus scilicet sperandi
eternam beatitudinem, ut diuino auxiliō ob-
tinendā; cum in patria habeatur ip[s]a beatitu-
dine: Ergo in patria non remanet spes. Eadem ra-
tione probat 3. p. quæst. 7. art. 4. spem non fuisse
in Christo, qui fuit ab instanti conceptionis
beatus.

Respondet Suarez, virtutem spei in via qua-
tor actus habere, scilicet amorem concupiscentiæ,
quod Deum ut bonum sibi proprium diligit,
desiderium quod eodem modo Deum sibi
exoptat, expectationem eternam beatitudinis ut
diuino auxiliō obtinendā, & denique delecta-
tionem de talib[us]: ex quibus actibus, inquit,
secundus & tertius, scilicet desiderium & ex-
pectatio, cum sint de bono non habito, re-
pugnant statui beatitudinis, & non manent in
patria, bono jam obtentio; bene tamen ali duo,
nempe amor concupiscentiæ, & delectatio, cum
illino repugnent statui beatitudinis: unde ad
illos eliciendos debet habitus spei remanere in
patria.

Sed contraria: Licet habitus spei illos actus or-
dine quodam eliciat, non tamen specificatur ab
omnibus; sed tantum ab uno primario & prin-
cipali, scilicet ab actu sperandi; sicut genera-
tio, licet producat essentiam & passiones, tamen
solum specificatur ab essentia, secundario vero
respicit passiones mediā essentiā: Sed actus spe-
randi destruitur obtenta beatitudine, ut fate-
tur Suarez: Ergo illa obtenta tollitur speci-
ficativum habitus spei, & consequenter ipse ha-
bitus.

Respondet Suarez, habitum spei non respi-
cere primariū & essentiale actum sperandi,
sed actum amoris concupiscentiæ, quod quis
Deum ut bonum sibi proprium diligit.

Sed h[oc] soluio aperte continet doctrinam
falsam, & à communi Theologorum sensu pe-
nitentiā: Virtus enim denominatur à prin-
cipali actu quem elicit: Atqui secunda virtus
Theologica, ab omnibus spes appellatur: Ergo
principius eius actus est actus sperandi, non ve-
ro amor concupiscentiæ, quod quis Deum ut bo-
num sibi proprium diligit.

Addo quod spes, quae est virtus, responderet
spei, que est passio: Sed actus principialis spei,
que est passio, non est bonum sibi proprium &
conveniens concupiscere, sed bonum arduum
possibile sperare: unde non est in appetitu con-
cupiscibili, sed in irascibili: Ergo pariter pra-

cipius actus virtutis spei non est amor con-
cupiscentiæ, quod quis Deum ut bonum sibi pro-
prium diligit, sed actus sperandi, quod expecta-
tur futura beatitudo.

Secunda pars conclusionis sequitur ex pra-
cedenti: Cūm enim delectatio de Deo viso in
patria sit supernaturalis, ut pote recipiens ob-
jectum supernaturale, non potest procedere à
sola voluntate, sine concurso alicujus habitus
supernaturalis, & alicujus virtutis Theologi-
cae; unde cūm non possit elici à fide, vel à spe,
qua non remanet in patria, consequens est ut
eliciatur à charitate,

Neque valet si dicas, illam posse procedere
à voluntate, solum Dei auxiliō mota & elevata,
absque ullo habitu supernaturali. Nam licet in
aliquo casu id contingat, regulariter tamen, &
juxta suavem Dei dispositionem, per habitum,
& non solum per auxilia elevantur potentiae ad
actus supernaturales; & sic debet assignari ali-
quis habitus concurrens ad delectationem,
quam Beati de Deo clare viso percipiunt.

Deinde eadem pars h[oc] ratione suaderi po-
test. Ab eodem habitu elicetur delectatio, à quo
oritur amor, qui est causa illius: Sed amor con-
cupiscentiæ, quod Beati Deum ut bonum sibi
proprium diligunt, procedit à virtute charita-
tis: Ergo & delectatio qua ad illum conse-
quatur. Major est certa: tum quia, ut ait D. Tho-
mas 2. 2. qu. 28. art. 4. idem est habitus, qui inclin-
at ad diligendum, & ad desiderandum bonum
dilectum, & ad gaudendum de eo: tum etiam
quia, ut docet idem S. Doctor in hac part. quæst.
60. art. 4. actus qui non habent specialem diffi-
cultatem, non exigunt specialem habitum, sed
procedunt ab eodem habitu à quo oritur actus
ille cum quo habent maiorem connexionem:
Atqui delectatio non habet specialem difficul-
tatem, & habet maximam connexionem cum
amore ad quem sequitur: Ergo ab eodem habitu
elicetur, à quo oritur amor. Minor vero suade-
tur ex eodem D. Thoma 2. 2. quæst. 2. 5. art. 4. ubi
docet quod per charitatem non solum Deum &
proximum, sed etiam nosmetipsos diligimus:
Ergo amor concupiscentiæ, quod Beati Deum ut
bonum sibi proprium diligunt, est à virtute
charitatis. Addo quod, si aliquis Beatus nollet
sibi beatitudinem, peccaret peccato odii erga
seipsum: Ergo ex opposito vult sibi beatitudi-
nem ex charitate.

§. II.

Solvuntur objectiones.

O bjetio primò: Amor concupiscentiæ bea-
titudinis futura, & gaudium subsecutum
ad illum, non pertinent ad charitatem, sed ad
spem, juxta illud Apostoli ad Roman. 12. spe
gaudentes: Ergo etiam in patria amor concupi-
scentiæ, quod Beati Deum ut bonum sibi pro-
prium diligunt, & delectatio qua ad illum se-
quitur, à virtute spei, non vero ab habitu chari-
tatis eliciuntur.

Respondeo concessò Antecedente, negando
Consequentiam: quia amor concupiscentiæ,
quod in via appetitus beatitudinem, & de ea
delectamur, illam respicit sub ratione boni
ardui futuri, quod est objectum formale spei; in
patria vero amor quod Beati diligunt beatitudi-
nem, & delectantur de ea, respicit illum ut bo-
num præsens & jam obtentum; unde non po-
test